

Veciños e bombeiros sofocan o incendio dunha casa en Vincios con mangueras de xardín

Escrito por Redaccion @valminorinfo
Martes, 24 Decembro 2013 06:56



Os feitos aconteceron a pasada madrugada, pasadas ás 23:30h, cando o GES recibía aviso da posible explosión dunha caldeira nunha casa particular no barrio de A Rocha, en Vincios.

Os dous axentes do GES do Val Miñor de servizo acudiron cun vehículo-lixeiro á chamada de alerta, dando aviso previo aos bombeiros de Porriño dada a presumible entidade do sinistro.

Á chegada dos efectivos do GES, os veciños xa tiñan controlado o lume con varias mangueras de xardín, e quedaba desbotada a hipótese inicial da explosión da caldeira como a do incendio. O lume orixinouse no faiado da casa onde gardaban roupa e mobles, presumiblemente causado por unha curta ou falla eléctrica.

O GES refrescou a zona das chamas coas propias mangueras de xardín utilizadas polos veciños ante a falta de medios de extinción que presenta o operativo de emerxencias. Por sorte, non foi necesario a actuación dos equipos de bombeiros de O Porriño, dada a entidade do lume.